

Morning Dogri (NSD)

National News Bulletin 07-11-2024

- प्रधानमंत्री नरेन्द्र मोदी होरें डोनाल्ड ट्रंप होरें गी अमरीकी राष्ट्रपति चुनाएं च उंदी शानदार जित्त लेई मुबारकबाद दित्ती ऐ।
- गृह मंत्री अमित शाह होरें आखेआ ऐ जे मोदी सरकार आतंकवाद मुक्त भारत लेई वचनें बद्धी दी ऐ ते उहदे लेई आतंकवाद गी भलेया बर्दाश्त नेई करने आली नीति मददगार साबत होग।
- 4 नवम्बर 2024 गी भारती रेलवे नै 120 लक्ख मुसाफरें दी यात्रा गी सखल्ला कीता। इस दिनै च सफर करने आले यात्रुएं दी एह सब्बने शा बद्ध गिनतरी ऐ।
- राष्ट्रपति द्रौपदी मुर्मू अज्ज गोवा दे दौरे पर जा'रदियां न।
- 18मां फिल्म बजार गोवा च 55में अंतराष्ट्रीयफिल्म उत्सव दे कन्नो कन्नी लग्गारदा ऐ। इस दरान 20 थमां 24 नवम्बर तगर 208 फिल्में दा प्रदर्शन कीता जाग।

<><><><><><>

PM-Trump

प्रधानमंत्री नरेन्द्र मोदी होरें डोनाल्ड ट्रंप हुंदे कन्नै गल्लबात करियै उनेंगी अमरीकी राष्ट्रपति चुनां च उंदी शानदार जित्त पर बधाई दित्ती ऐ। सोशल मीडियो पर अपनी इक पोस्ट च मोदी होरें आखेआ जे ओह प्रौद्योगिकी, रक्षा, ऊर्जा, अंतरिक्ष ते केई होरने क्षेत्रें च भारत अमरीका सरबंधे गी होर मजबूत करने आस्तै इक बारी फही मिलियै कम्म करने आस्तै उत्सुक न। प्रधानमंत्री ते ट्रंप हुंदे बश्कार होई दी गल्लबात दरान दौनें नेताएं विश्व शांति आस्तै कम्म करने दी गल्ल आकखी ऐं गल्लबात दरान ट्रंप होरें आखेआ जे पूरी दुनिया मोदी हुंदे कन्नै प्यार करदी ऐ।

इंदे च आतंकद दी रोकथाम आस्तै कानूनी ढांचा, उभरदी तकनीकें सरबंधी चुनौतिएं जनेय मामले शामिल होडन। भारत दे बाहर संचालित आतंकवादी नेटवर्क खत्म करने आस्तै अंतर्राष्ट्री कनूनी सैहयोग ते नीतिएं पर बी विचार बटांदरा कीता जाग। एहदा मकसद नीति निर्माण आस्तै महत्वपूर्ण जानकारी किट्ठी करना ऐ।

<><><><><><>

Railways

भारतीय रेलवे नै 4 नवम्बर 2024 गी 120 लक्ख थमां मते यात्रिं गी सेवा प्रदान कीती। एह इक दिने च यात्रा करने आले यात्रिं दी सब्बने थमां मती गिनतरी ऐ। पच्छमी रेलवे आस्सेआ जारी इक प्रेस विज्ञप्ति मूजब 20 लक्ख थमां मते आरक्षित ते इक करोड थमां मते अनारक्षित यात्रिं सोमवारें रेल सेवाएं दा इस्तेमाल कीता। जेहड़ा इस बरे दा सब्बने थमां मता ऐ। भारतीय रेलवे नै ध्यारें दरान लोकें दे रश गी दिखदे होई पैहली अक्तूबर थमां 30 नवम्बर बश्कार 7 जहार 6 सौ थमां मतियां रेल गड्डियां चलाने दी योजना बनाई ऐ। एह पिछले बरे दी तुलना च लगभग 73 फीसद बद्ध ऐ।

<><><><><><>

President

राष्ट्रपति द्रौपदी मुर्मू होर अज्ज गोवा च डे एट सी कार्यक्रम च हिस्सा लैंगन। इस कार्यक्रम च भारतीय नौसेना दे लड़ाकू जहाजें दी परिचालन सरबंधी क्षमताएं दा प्रदर्शन कीता जाग। एहदे च आईएनएस विक्रान्त थमां डोओरी सरबंधी संचालन दा प्रदर्शन करना शामिल ऐ।

<><><><><><>

Chandarshekhhar

संचार राज्य मंत्री चन्द्रशेखर पेम्मासानी होरें आखेआ जे सैटेलाइट कमीशनर(सैटकॉम) ग्राउंड आधारित मोआइल नेटवर्क कन्नै मकाबला नेई करोग, सगुआं ओहदा पूरक होग। नमीं दिल्ली च भारती अंतरिक्ष कान्क्लेव दे त्रीए संस्करण गी संबोधत करदे होई श्री मेम्मासानी होरें आखेआ जे व्यापक कनेक्टिविटी हासल करने लेई सैटकॉम गी 5^{जी} ते 6^{जी} जनेइं नेटवर्क प्रौद्योगिकिं दे पूरक दे रूपै च दिक्खेआ जाना चाहिदा।

श्री पेम्मासानी होरें आखेआ जे 5^{जी} ते भविक्ख च ओने आले 6^{जी} सैटकॉम सेवाएं कन्नै रलियै, जिमी ते गास दौनें गी जोड़ी सकदे न। उनें आखेआ जे सैटकॉम दा इस्तेमाल खीरह मीले तगर, कनैक्टिविटी ते भारत च डिजिटल फर्कोफर्की गी ठीक करने लेई कीता जाना चाहिदा। संचार मंत्री होरें डिजिटल बंड गी ठीक करने लेई सैटकॉम दी समर्थ पर लोह पाई ते मजबूत नेटवर्क स्थापत करने लेई सार्वजनिक निजी भागीदारी दी जरूरत पर जोर पाया। उनें आखेआ जे सैटकॉम रिफार्म 2022 जनेइएं नीतिएं, सार्वजनिक ते निजि दज्ञेनें क्षेत्रें दी भागीदारी लेई बत्त पदरी कीती ऐ जेहदे नै नमिएं काहडें लेई सार्थक माहोल तैआर होआ ऐ।

<><><><><><><>

Film Bazar

गोवा च 55में भारती अंतराष्ट्रीय फिल्म महोत्सव कन्नै 20 थमां 24 नवम्बर तोड़ी फिल्म बजार दे 18में संस्करण दा आयोजन कीता जाग। एहदे च सगगोसार बन्नसबन्नता पेश करने आलिएं 208एं फिल्में दा प्रदर्शन कीता जाग। इक अधिकारिक प्रेस विज्ञप्ति मूजब फिल्म बजार दे समीक्षा कक्ष च उनें फिल्में दा प्रदर्शन होग जेड़ियां पूरी चाल्ली बनी चुकी दियां न जां उंदा निर्माण खीरी चरम च ऐ। इंदे च 145 फीचर फिल्मा, 23 मध्यम लम्बाई आलियां ते 30 लघु फिल्मां शामिल न। एनएफडीसी दे प्रबंध निदेशन प्रथुल कुमार होरें दस्सेआ जे इस पैहल दा मकसद कहानीकारें गी उंदे दृष्टिकोण गी दुनिया कन्नै सांझा करने लेई सशक्त बनाना ऐ। उनें आखेआ जे निगम इगली पीढ़ी दे कलाकारें दा समर्थन करने लेई वचनें बद्धे दा ऐ।

<><><><><><><>

Chhat Puja

छठ पूजा समारोह दा अज्ज द्दीआ दिन ऐ। श्रद्धालु नदिएं दरेयाए दे कंडे स्थित बक्ख-बक्ख छठ घाटें पर संजा गरुब हुंदे सूरज गी बरघ देंगन। खरी मती गिनतरी च श्रद्धालु पानी आली थाहरें नदिएं सरोवरें पर पूजा अर्चना करगंन।

<><><><><><><>

Tenis

टेनिस च भारत दे दिविज शरण ते उंदे इजराइली साथी डेनियलफिनलैंड दे हैलीएंकी च एचपीडी ओपन दे मर्दे दे डबल्स क्वार्टर फाइनल च पुज्जी गे न।

इस जोड़ी नै कल रातीं प्री-क्वार्टर फाइनल च Czechia दे Mayej Vocel ते डैनमार्क दे जोहांस इनगिल्डसन दी जोड़ी गी 7-6/7-5 कन्नै हराया।

<><><><><><>

IMD

मेसम विभाग नै अज्ज अंडेमान ते निकोबार द्वीप समूह, तमिलनाडू, पुदुचेरी ते कराईकल च तेज बरखा दी संभावना जाहर कीती ऐ। मौसम विभाग मूजब अगले 2 थमां 4 दिनें च केरल, माहे, तटीय आंध्रप्रदेश, यमन ते रायलसीमा च बिजली चमकने कन्नै गै तेज बरखा बरी सकदी ऐ। मौसम विभाग नै दस्सेआ ऐ जे मुल्खै दे उत्तरी भारत च घट्टोघट्ट तापमान च कोई बदलाव नेई आया ऐ। मध्य ते दक्खन भारत दे तापमान च अगले इक हफते च 2 थमां 3 डिग्री सैल्सियस दा बाद्धा होई सकदा ऐ। मौसम विभाग नै अग्गे दस्सेआ जे बंगाल दी खाड़ी दे दक्खन-पच्छम कन्नै लगदे पच्छमी हिस्सें ते दक्खनी आंध्र प्रदेश दे तट पर अगले 2 दिनें दरान तेज हवा चली सकदी ऐ। मौसम विभाग नै एहदे चलदे मच्छिणं फगड़ने आले गी इनें थाहरें पर नेठं जाने दी सलाह दित्ती ऐ।

<><><><><><>